




Кун нафаси

Президент Шавкат Мирзиёев раислигида 16 февраль куни чорвачилик соҳасидаги устувор вазифалар муҳокамаси юзасидан видеоселектор йиғилиши ўтказилди.

Маъмурий жавобгарлик тўғрисидаги кодексга ўзгартириш ва қўшимчалар киритилди.



Ўзбекистон Республикаси Бош вазири ўринбосари – инвестициялар ва ташқи савдо вазири Сардор Умурзоқов Жаҳон савдо ташкилоти Бош директори Нгози Окунжоева билан видеоконференция шаклида музокара ўтказди.



Ахборот технологиялари ва коммуникацияларини ривожлантириш вазири Шерзод Шерматов Корея Республикаси Ички ишлар ва хавфсизлик вазири ўринбосари Ко Гю Чанг билан учрашув ўтказди.



ЮНИСЕФ Ўзбекистон ҳукуматига вакцина оморлари учун 500 000 АҚШ долларидан ортиқ қийматдаги ускуналарни тақдим этди.



Ўзбекистон истеъмолчилар ҳуқуқларини ҳимоя қилиш федерацияси раиси Жаҳонгир Саримсоқов Қозоғистон истеъмолчилар Миллий Лигаси раҳбари Светлана Романовская билан телефон орқали мулоқот ўтказди.



Ўзбекистон Республикаси Фанлар академияси Ботаника институти 2022 йилдан бошлаб Марказий Осиё давлатлари орасида биринчи бўлиб ботаника соҳасидаги тўлиқ инглиз тилида чоп этилувчи «Plant Diversity of Central Asia» журналини нашр этишни йўлга қўйди.



КАСАБА УЮШМАЛАРИ – БОЛАЛАРГА!

Ўзбекистон қасаба уюшмалари Федерациясининг навбатдаги ижтимоий лойиҳаси бемор болажонларни ҳар томонлама қўллаб-қувватлашга йўналтирилди.

Федерациянинг Ёшлар бирлашмаси «Халқаро саратонга чалинган болалар кўни» муносабати билан пойтахтдаги Болалар гематологияси, онкологияси ва клиник иммунологияси марказида «Қасаба уюшмалари – болаларга!» ижтимоий хайрия акциясини ўтказди.

Тадбирда ушбу тиббиёт муассасасида даволанаётган болажонлар учун зарур дори-дармонлар, турли совғалар ҳадя этилди. Акция доирасида Қўғирчоқ театри актёрлари иштирокидаги саҳна кўринишлари намойиш этилиб, уларда болажонларнинг ўзлари ҳам қатнашди. Куй-қў-

шиқлар, болалар рақс дастаси чикишлари даврага янада файз бахш этди. Болажонларни нафақат муолажалари, балки ширин сўзлари билан даволаётган тиббиёт ходимлари «Ташаккурнома» ҳамда эсдалик совғалари билан тақдирланди.



Сирдарё вилояти

Миннатдорлик

ЕТАКЧИ УЧУН МУАММОНИНГ КАТТА-КИЧИГИ ЙЎҚ

Таълим ва фан ходимлари қасаба уюшмаси Сирдарё тумани кенгаши раиси Муроджон Ҳайитқулов ходимларнинг ижтимоий ҳимоясига ниҳоятда жиддий қарайди.



Бунга ўз фаолиятимиз мисолида ҳам яна бир бор амин бўлдик. Утган йили ташкилотимизда жорий таъмирлаш ишлари олиб борилиши муносабати билан иш фаолияти вақтинча тўхтатилди. Бу орада гап-сўзлар ҳам оралаб қолди. Эмишқи, ходим учун «ойлик» ёзилмайди. Ана шунда бошланғич қасаба уюшма кўмитаси аъзолари билан иш ҳақларини тўлашни

тўхтатмаслик юзасидан Таълим ва фан ходимлари қасаба уюшмаси Сирдарё тумани кенгашига оғзаки мурожаат қилди. Таълим ва фан ходимлари қасаба уюшмаси Сирдарё тумани кенгаши аралашуви билан 18 нафар ходимга 5 ойлик, жами 82 миллион сўмлик иш ҳақи ўз вақтида ойма-ой тўлаб борилишига эришилди. Тумандаги яна икки ташкилотнинг ҳам шу мазмундаги му-

рожаати ижобий ечим топди. Ишонч ҳаммага ҳам насиб этавермайди. Ўз касбининг моҳир устаси, чинакам жонкуяр инсонгина булар муяссар бўла олади. Сабаби, кичик муаммо ечими ҳам етакчидан катта масъулият талаб қилади. Дилором МИРЗАҚУЛОВА, Сирдарё туманидаги 17-дават мактабгача таълим ташкилоти бошланғич қасаба уюшма кўмитаси раиси

Қашқадарё вилояти

Тошкент шаҳри

Ҳуқуқ

Косон тумани «Дўстлик» маҳалласида яшовчи Мухриддин Холиқов Ўзбекистон қасаба уюшмалари Федерацияси Қашқадарё вилояти кенгашига мурожаат қилиб, «Epsilon development company» МЧЖдан 37 523758 сўм миқдоридagi иш ҳақини ололмаётганини билдирди.

Қасаба уюшма кўмағида

Хар томонлама ўрганишлардан сўнг ҳуқуқшунослар томонидан МЧЖга иш ҳақидан қарздорликни бартараф этиш юзасидан кўрсатма киритилди ва ходимга тегишли маблағ ундириб берилди.

Тез тиббий ёрдам Нишон шохобчасида навбатчи врач лавозимидан четлаштирилган Дилдора Саломованинг мурожаати ҳам исботини топиб, ходима ўз ишига тикланди.

Шунингдек, мурожаатига кўра, «Қарши пахта тозалаш» АЖ собиқ ишчиси, 2-гурӯҳнонгирони Муҳтарам Рўзиқуловага 3 835 000 сўм зарар тўловлари ундириб берилди.

Шу ўринда таъкидлаш жоизки, ҳуқуқи поймол бўлган ишчи-ходимлар ўз ҳақларини талаб қилиши, талаб қондирилмаганда, қасаба уюшмаларига мурожаат қилиш лозимлигини унутмасликлари керак.

Шамсиддин САТТОРОВ, Ўзбекистон қасаба уюшмалари Федерациясининг Қашқадарё вилояти бўйича меҳнат ҳуқуқи инспектори

30 МИНГ НАФАР МУРАББИЙ ҚУВОНЧИ

қасаба уюшма аралашуви билан мактабларда жисмоний тарбия машғулоти яна етарли даражада ўтилади

Халқ таълими вазирлигининг 2020 йил март ойида чиқарилган буйруғига асосан жисмоний тарбия дарс соатлари қисқартирилиб, мактабларда саломатликка хизмат қилувчи дарс ҳафтасига икки соатдан эмас, балки бир соатдан ўтила бошланди.

Халқ таълими вазирлигининг 2020-2021 ўқув йилига мўлжалланган таянч ўқув режасига тушунтириш хатининг II бўлими 10-бандига асосан, барча мактаблар учун 1-4 ва 11-синфлари учун шу пайтгача ҳафтасига 2 соатдан ўтиб келинган жисмоний тарбия дарслари 1 соатдан, 5-10 синфларга эса ўзгартирилди – 2 соатдан ўқитилиши тасдиқланди. Мактабда спорт зали мавжуд бўлмаган умумий ўрта таълим муассасаларида эса кишики давр – декабрь, январь, февраль ойларида (10 ҳафта давомида) 5-10-синфларда ҳафтасига 2 соат эмас, бир соатдан ўтилиши белгиланди.

Ушбу тақдимнома Халқ таълими вазирлигининг 2020 йил 4 мартдаги 65-сонли буйруғи ва фан ходимлари қасаба уюшмаси Республика кенгаши ҳолатини таъкидлаб, мазкур ҳужжатдаги меъёрий ангилликларни фақатгина Вазирлар Маҳкамаси қарори асосида ўзгартириш мумкинлиги эслатилди.

Ушбу тақдимнома Халқ таълими вазирлигининг 2020 йил 4 мартдаги 65-сонли буйруғи ва фан ходимлари қасаба уюшмаси Республика кенгаши ҳолатини таъкидлаб, мазкур ҳужжатдаги меъёрий ангилликларни фақатгина Вазирлар Маҳкамаси қарори асосида ўзгартириш мумкинлиги эслатилди. Бу эса республикамиздаги 30 минг нафарга яқин ўқитувчининг ҳуқуқи тикланиши, шу билан бирга, ўқувчиларга қувноқлик бахш этувчи, яхши кўрган машғулотларнинг қайтариб берилишини таъминлади.

Зебо НАМОЗОВА, «ISHONCH»

ЖУРНАЛИСТЛАР УЮШМАСИ ҲИСОБОТ БЕРДИ

Миллий матбуот марказида Ўзбекистон Журналистлари ижодий уюшмасининг 2021 йилги фаолияти ва 2022 йилга мўлжалланган иш режаси муҳокамасига бағишланган тадбир бўлиб ўтди. Унда уюшма бошқаруви аъзолари, унинг қошидаги ижодий кенгашлар раислари, оммавий ахборот воситалари ходимлари ва блогерлар қатнашди.

Тадбирда дастлаб уюшма раиси Олимжон Ўсаров ташкилотнинг ўтган йилги фаолияти бўйича ҳисобот берди. Унинг таъкидлашича, бу вақт оралиғида уюшма томонидан 157 та давра суҳбати, 87 та тақдимот, 29 та семинар, 46 та медиа-тур, 59 та учрашув, шунингдек, республика миқёсида 3 та, ҳудудлар кесимида 36 та кўрик-танлов ўтказилган. Қорақалпоғистон, Самарқанд, Бўстонлиқ ва Фарғонада ташкил этилган минтақавий се-

минар ҳамда медиафорумларда маҳаллий ва вилоятлардан келган журналистлар ўзаро тажриба алмашишган. Бундан ташқари, ҳисобот даврида Тошкент шаҳри ва Андижон вилоятида фаолияти тўхтаб қолган ҳудудий бўлинмалари фаолияти қайта тикланди. «Муштум», «Ўзбекистон матбуоти» каби журналларнинг яна чоп этилиши бошланди. Аёл журналистлар ўртасида бир неча йилдан буён ўтказилмаётган «Атир-

гул» танлови қайта «жонланди». Қолаверса, босма нашрлар ходимларининг ўртача ёши 57 да экани эътиборга олинди, «Yurida NYSA» корхонаси томонидан тайёрланган махсус дастур ҳомиёлар кўмағида сотиб олинди ҳамда юртимиздаги барча газета-журналлар таҳририятларига барча газета-журналлар таҳририятларига тақдим этиш учун тайёр ҳолатга келтирилди. Уюшма саъй-ҳаракати билан тегишли ташкилотларга журналистикага оид айрим меъёрий ҳужжатларни ишлаб чиқиш, танловлар ўтказиш тартиби ва уларнинг мукофот жамғармасини янада ошириш бўйича қатор тақлифлар киритилди. Ҳисобот йиғилишида келгуси режалар ҳақида ҳам сўз юритилиб, фойдали тақлифлар билдирилди.

Ўз мухбиримиз

МУРОЖААТДА АДАШМАДИНГИЗ!

Тошкент шаҳри

Йиғилиш

Долзарб вазифалар таҳлили

Ўзбекистон касаба уюшмалари Федерацияси Тошкент шаҳар кенгаши томонидан 2021 йилда амалга оширилган ишлар муҳофазасига бағишланган раёсат йиғилиши бўлиб ўтди.

Тадбирда сўзга чиққанларнинг таъкидлашича, ушбу кенгаш меҳнат муҳофазаси, юридик масалалари, фуқароларнинг мурожаатлари билан ишлаш каби йўналишларда салмоқли натижаларга эришган. Хусусан, меҳнатни муҳофаза қилиш бўйича касаба уюшмалари тузилган корхона ва ташкилотлар фаолияти мунтазам равишда таҳлил қилиб борилган. Йил давомида ушбу хизмат ходимлари олиб борган ўрганишлар жараёнида меҳнатни муҳофаза қилиш тартиб-қоидалари ва талабларига риоя қилиш соҳасида 312 та хато-камчиликка йўл қўйилгани аниқланган ва улар иш берувчилар томонидан бартараф этилган.



кўриқдан ўтказилган. Жорий йилнинг шу даврига қадар эса ушбу кўрсаткич 3 минг 786 нафарни ташкил этмоқда.

Маълумки, фуқаролар ва юридик шахсларнинг мурожаатлари билан ишлаш, меҳнат қонунчилиги бузилган ҳолатларни бартараф этиш юзасидан зарур чоралар кўриш касаба уюшмаларининг муҳим вазифаларидан бири ҳисобланади. Шу боис кенгашга фуқаролардан келиб тушган 181 та мурожаат ўз вақтида рўйхатга олинди, ижрога қаратилди, баъзиларига қонуниан жавоб берилди. Ходимларнинг меҳнат ҳуқуқлари бузилгани аниқланган ҳолатлар юзасидан иш берувчиларга 14 та қандимнома киритилди. Уларнинг 10 таси қаноат-

лантирилди. Шунингдек, судларга киритилган 15 та давво аризасининг 8 таси ходимлар фойдасига ҳал этилди.

Йил давомида ушбу хизмат ходимлари олиб борган ўрганишлар жараёнида меҳнатни муҳофаза қилиш тартиб-қоидалари ва талабларига риоя қилиш соҳасида 312 та хато-камчиликка йўл қўйилгани аниқланган ва улар иш берувчилар томонидан бартараф этилган.

Ўтган йили касаба уюшмалари ташкилий жиҳатдан мустақкамлашга жиддий эътибор қаратилди, – дейди Ўзбекистон касаба уюшмалари Федерацияси раиси ўринбосари – Тошкент шаҳар кенгаши раиси Сайфулла Аҳмедов. – Натижада соғлиқни сақлаш, таълим ва фан, тадбиркорлик, бизнес ва хизмат кўрсатиш соҳаларида касаба уюшмаларининг Тошкент шаҳар кенгашлари ва кўмиталари ташкил этилди. Йил давомида қарийб 2 мингта корхона-ташкilotда меҳнат қилаётган 46 мингга яқин ходим касаба уюшма аъзоллигига қабул қилинди.

Ҳеч кимга сир эмас, охириги пайтлар юртимизда одамларнинг турмуш даражасини яхшилаш, камбағалликни камайитириш, аҳолининг ижтимоий ҳимояга муҳтож қатламларига мадддор бўлиш, аёллар ва ёшлар билан ишлаш масалаларига эътибор янада кучаймоқда.

Ҳисобот даврида ташкилотларда жами 29 МИНГ 263 НАФАР ходим дастлабки ва кейинчалик иш жараёнида вақти-вақти билан тиббий кўриқдан ўтказилган. Жорий йилнинг шу даврига қадар эса ушбу кўрсаткич 3 МИНГ 786 НАФАРНИ ТАШКИЛ ЭТМОҚДА.

Бундай хайрли тадбирларда касаба уюшмалари ҳам фаол иштирок этмоқда. Жумладан, «Ёшларни қўллаб-қувватлаш ва аҳоли саломатлигини мустаҳкамлаш йили» дастури ижросини таъминлаш доирасида жамоа шартномалари ҳамда келишувлари орқали ходимлар ва аҳолининг турли тоифаларини қўллаб-қувватлаш учун касаба уюшмалари ва иш берувчилар маблағларидан 2 миллиард 20 миллион сўм йўналтирилди.

Йиғилиш таҳлилий ва танқидий руҳда ўтди. Унда ижтимоий ва меҳнат соҳасидаги норматив-ҳуқуқий ҳужжатлар лойиҳаларини тайёрлаш ва қонунларни такомиллаштириш, уларга риоя этилиши устидан жамоатчилик назоратини ўрнатиш, ходимларнинг ҳуқуқий саводхонлигини оширишда фаол қатнашиш, соҳага оид ички меъёрий ҳужжатларни такомиллаштириш, тизимга замонавий ахборот-коммуникация технологияларини кенг татбиқ этиш, ахборот хавфсизлигини таъминлаш, жамоатчилик алоқаларини янада мустаҳкамлаш, аҳолини касаба уюшмалари фаолиятдан изчил хабардор қилиб бориш орқали очиқлик ва ошкораликка эришиш ҳақида таклифлар ҳам билдирилди.

Тадбир якуни бўйича тегишли қарор қабул қилиниб, келгуси вазифалар белгилаб олинди.

Ғуломжон МИРАҲМЕДОВ, «ISHONCH»



Дилдора ИБРОҲИМОВА, «ISHONCH»



Сирдарё вилояти



Меҳнат таътили можароси

ХОДИМ НЕГА ИШ ҲАҚИ САҚЛАНМАГАН ҲОЛДА ТАЪТИЛГА ЧИҚИШГА МАЖБУР?

Меҳнат қонунчилигига кўра, ходим йилда бир мартаба пўл тўланадиган меҳнат таътилига чиқиши мўмкин. Бунинг учун иш берувчи номига ариза ёзишнинг ўзи кифоя.

Аммо баъзи ҳолларда шундай вазиятлар ҳам бўладики... «Гулистон экстракт-ёғ» ҳиссадорлик жамиятида чилангар вазифасида ишловчи Рустам Раҳмонов Ўзбекистон касаба уюшмалари Федерацияси Сирдарё вилояти кенгашига иш берувчига меҳнат таътили беришни сўраб,

ариза билан мурожаат қилгани, лекин иш берувчи унга меҳнат таътили эмас, аксинча, ходим розилигисиз иш ҳақи сақланмаган ҳолда таътил бераётганидан норози бўлиб мурожаат қилди.

Кенгашнинг меҳнат ҳуқуқ инспектори ушбу мурожаат билан шуғулланиб, ҳиссадорлик жамияти раҳбарияти билан телефон орқали

Касаба уюшма аралашгач...

боғланди ва меҳнат қонунчилиги талаблари бўйича тўлиқ тушунчалар берди.

Шундан сўнг Р. Раҳмоновга ишлаган даври учун навбатдаги меҳнат таътили берилди ва мурожаат қаноатлантирилди.

Шу ўринда бир мулоҳаза: мурожаатларнинг аксариятига ходимлар билан меҳнатга оид муносабатларни расмийлаштиришда хато-камчиликларга йўл қўйилаётгани сабаб бўлаётди. Бу эса айрим иш берувчи ва ходимлар билан ишлаш бўлимлари мутахассисларининг меҳнат қонунчилигини яхши билмасликларидан дарак беради. Ваҳоланки, ташкилот, корхона ва муассасаларда, аҳоли ўртасида қонунларни қўллаш ва унга риоя этилиши юзасидан турли тарғибот тадбирлари ўтказиб келинмоқда. Амалиётда эса...

Шириний УМАРАЛИЕВА,

Ўзбекистон касаба уюшмалари Федерацияси Сирдарё вилояти кенгаши меҳнат ҳуқуқи инспектори

Наманган вилояти

Хавфсиз фаолият – ўта муҳим масала

Ходимларга соғлом ва хавфсиз меҳнат шароитларини яратиш, ишлаб чиқаришдаги бахтсиз ҳодисалар, касб касалликларининг олдини олиш, шунингдек, иш жараёнида меҳнат муҳофазаси ва хавфсизлиги тўғрисидаги қонун ҳужжатларига риоя этилишини таъминлаш мақсадида касаба уюшмалари ҳар йили «Меҳнат муҳофазаси ва хавфсизлигида жамоатчилик назоратини ташкил этиш бўйича республика кўрик-танлови»ни ўтказиб келади.

КОРХОНАДА МЕҲНАТ МУҲОФАЗАСИ ВА ХАВФСИЗЛИгини ТАЪМИНЛАШ БОРАСИДА ИШЛАР, ЖАМОА ШАРТНО-МАСИДА БЕЛГИЛАНГАН ТАДБИРЛАРНИНГ БАЖАРИЛИШИ, МЕҲНАТ ШАРОИТЛАРИНИ ЯХШИЛАШГА САРФЛАНГАН МАБЛАҒЛАР БЎЙИЧА ТАҲЛИЛИЙ МАЪЛУМОТЛАР ҲАМ КЎРИБ ЧИҚИЛИБ, ФАОЛИЯТГА МУНОСИБ БАҲО БЕРИЛАДИ.

Энг яхши натижаларга эришган корхоналарни тармоқлар кесимида аниқлаш, ходим-

ларнинг меҳнат муҳофазасига бўлган ҳуқуқларини ҳимоя қилишда жонбозлик кўрсатганларни рағбатлантириш кўрик-танловнинг асосий вазифаларидан саналади.

– Айни пайтда ушбу танловда иштирок этиш истагида бўлган барча корхона, ташкилот ва муассасалар зарур ҳужжатларни ху-

дудий тармоқ кенгашларига тақдим этишмоқда, – дейди Ўзбекистон касаба уюшмалари Федерацияси Наманган вилояти кенгаши мутахассиси Одилжон Жўрабоев. – Тақдим этилаётган ҳужжатларга кўра, меҳнат шароитлари оғир, зарарли ва хавфли ишларда банд бўлган ходимлар учун меҳнатни муҳофаза қилиш талаблари қай даражада олиб борилаётгани ҳам алоҳида таҳлил қилинди.

Шунингдек, корхонада меҳнат муҳофазаси ва хавфсизлигини таъминлаш борасида ишлар, жамоа шартномасида белгиланган тадбирларнинг бажарилиши, меҳнат шароитларини яхшилашга сарфлан-

ган маблағлар бўйича таҳлилий маълумотлар ҳам кўриб чиқилиб, фаолиятга муносиб баҳо берилади. Ғолибликни қўлга киритган корхона, ташкилотлар касаба уюшмаси томонидан қимматбаҳо совғалар билан тақдирланади.

Орзуғул РУСТАМОВА, «ISHONCH»



Кўрик-танлов



